

麻城縣志卷之三十一 烈貞 割股

監生阮文炳女名端懿許聘監生葉棫號莪峯之長子汝熾女年十七未嫁汝熾歿女聞訃引帶自縊死莪峯迎柩與其子合葬雍正十二年 旌後莪峯又專置祀田以垂久遠

周方且妻蔡氏結褵一載夫病疽淹床蓆者四年屬纊日值氏生辰登樓雉經手揮其女曰汝可依外祖母弗戀我也先其夫刻許死遂同穴葬之康熙十九年 旌通志

易士周妻陳氏乾隆十年以烈婦建坊

麻城縣志

卷三十一

前志烈

一

曾烈女生員朗之女甘學洵之長子權之聘妻權死曾年二十堅請於父母改服奔喪撫棺痛絕稍甦姑防閑甚密遂留甘力盡婦道終喪省墓觸石頓絕詳請學院批曾姑清操夙就勁節性成失所天於甫聘之時殞一命於服終之日死生無愧 旌表允宜遠近憐之贈詩序者數百篇劉烈女曹銘聘妻生員禮女年二十一未于歸銘故劉聞訃問父節烈二字於義何居父不答蓋不忍其一旦就死也防之甚密曹度不能自由乃佯改志櫛沐飲食如常夜半防者少疎竟縊死知縣吳顧行贈貞烈可風額贊曰大

義是赴何私何戀

周烈女州同燮之女也性專一工詩許聘生員顏日升未  
字日升沒周痛絕屢投繯以救得不死一夕夢夫謂曰爾  
果有志相隨明日拾梧桐下物是汝全志期矣翌午女沐  
浴作書遺兄嫂至樹下吞異草立死顏哀之昇襯與日升  
合葬時于成龍同知府事駐岐亭聞而嘉之輓詩曰山上  
青青松天中皎皎月皎月與青松自古傳清潔君不見鬼  
魄浮晶光四時耀冰雪盈昃不能無將圓旋復缺又不見  
松立萬峯巔堅剛出奇特嚴霜頰相摧臨死不易葉女今

麻城縣志

卷三十一

前烈

二

魂返歸惟此堪表白

張烈女許聘儒童程金典張年十六金典病劇張聞信白  
母欲往服侍不允越二日訃至又白母欲往送葬母亦不  
允曰生不送我往死必送我往程家去是夜卽自縊面如  
生兩族迎送女棺與程氏子合葬鄉里送者數百人莫不  
淚下

李烈女琬之女也幼許聘程姓及程病李欲往問父母不  
許程卒李號泣欲往致祭又不許李以死自誓父母防之  
甚密女無隙後二十餘日有人來議婚父母私許之女聞

之奔至園中自縊死

李烈女尹上華之聘妻未笄而上華卒李年十七聞之欲往哭甚哀母阻之毀面去飾乘母出外遂自經死尹姓感之迎棺與夫合葬事在乾隆六年三月十一日

毛烈女邱之德之聘妻之德未婚而卒毛欲往邱家不得晨昏哭泣數月後有議婚者卽潛至後園自縊

李烈女監生經邦女也許聘儒童周士毅李年十七士毅病故訃至李方食卽停箸入房關門自縊母趙氏窺見急喚家人救甦嗣是飲食少進廢棄女紅號慟月餘卒不食

麻城縣志

卷三十一

前志烈

三

死族人哀之

夏廉聘妻劉女蘄水縣劉時周女也廉年十六故劉年亦十六聞訃水漿不入口數日父母百般勸慰莫解私自投水死

鮑烈女子知女也許聘蔡作楫三歲喪母依姑戴氏撫養年十七未婚合家避賊於戴家寨會寨破鮑投巖死

史烈女象玉第三女也幼聘儒童劉魯望未婚魯望卒女聞之自縊家人救甦欲適劉事姑父母禁止不得聞父母有議婚意遂不食而死

唐烈女父法颺初唐及笄降賊李有實委禽焉其父以其  
行弗軌不許遂適熊啟之其歸寧也李於路邀之唐不屈  
曰寧作刀下鬼不爲反賊妻李怒刃之罵不絕口死

國朝 未旌烈婦

生員秦在妻王氏戊子己丑等年北山周與議倡亂麻城秦在從之蠱惑鄉衆王泣諫曰亂不可作汝必欲爲此當早脩一棺俾吾母子寢處其中勿俟禍之及也秦在竟不聽仍往從與議值官兵進勦婦攜八歲子往寨避之衆不納謂其子曰汝父爲逆誰寨肯相容乎至一田中將子刃死隨而自刎其相隨一婢名桃兒亦大哭自刎三人刎死一處見者無不墮淚非獨婦烈也其婢一烈矣哉

唐徽妻郭氏儒士郭素女年十六適唐生一女夫故時年

麻城縣志

卷三十一

前志烈

五

二十五家計蕭條母女相依紡績度日爨火不繼族延不往族餽弗受乾隆乙酉十月十四日夜郭知力不能支將祖先誥勅一切付焚用帶先束女死卽自縊次日鄰里知之皆歎其節烈

生員周烜妻徐氏知州志尹姊也順治己丑衛生堡值流寇亂烜見勢危逃出徐哭數日陰藏小刀堡潰徐囑僕負幼子急行兵至取刀自刎時稱節烈焉

呂志仁妻郭氏年二十歲翁先卒越三月夫又卒郭經營喪事十六日葬畢卽自縊岐亭同知鄧 贈金香玉骨額

又聯云冰雪爲心祇覺翦皮金而自盡松筠著節何庸資  
蓆草以營生蓋深嘉其烈焉

吳海寧妻鄒氏士慶女乾隆丙戌生乙巳年適吳生二女  
甲寅七月二十六日夫故誓以死殉至二十八日自縊卒  
年二十八歲

王尙泰妻董氏珍之女幼時曾割股救父年二十適王逾  
年夫故董自刎救免哀毀骨立後因母病歸侍湯藥其父  
憐之與王家議改適董聞輒自憤曰父不諒女心是殉女  
死也卽引薙刀斷喉死時年二十九歲

麻城縣志

卷三

前志烈

六

儒童成天祚妻祝氏生員必昌女也孝養翁姑咸稱賢淑  
二十三歲夫故當以死殉翁姑勸諭延至三日入房自縊  
面如生

儒童蔡學柳妻周氏邦傑女于歸數載夫故誓相從地下  
姑勸諭百端弗聽防護不及飲鴆死乾隆丙戌年知縣劉  
希向申請學政胡紹南給額獎其烈

阮紹猷妻徐氏年二十五歲夫故無子徐俟殯殮畢撫棺  
號泣引刀刎死

儒童江國章妻熊氏監生必陵女年二十適江夫故越七

日熊自縊死邑尊聞而遣吏弔祭時乾隆辛酉事

丁時安妻程氏年二十歲夫故卽自縊知縣馬元勳贈節烈維風額

庠生鄒德智妻戴氏智三十二歲故戴自縊殉節知縣吳顧行詳請學憲給文章節義額

周銘階妻何氏夫病篤誓以身殉及臨危何私服毒先一日而卒

監生鮑汝時妻曹氏生一女夫故觸棺頭裂救甦數月後女夭氏自縊死

麻城縣志

卷三十一

前志烈

七

生員周昌妻劉氏昌以故家中落躑躅名場致病且篤湯藥罔效康熙戊子春昌大漸氏乃內計曰事不可爲矣因投繯死不踰晷而昌亦逝嗚呼視死如歸真烈婦矣哉

劉光直妻周氏直病數年氏揣夫不能起誓以身殉及夫死五日往哭夫墓時小姑從行哭畢令小姑先歸氏遂投水死

國朝 已旌貞女

儒童嚴大棧聘室劉姑慕樓女甫十歲母歿遂適嚴爲養  
媳越四年大棧卒姑命劉歸劉不允願奉姑老越二年姑  
又歿祖姑又勸之劉指天以誓曰若不代姑奉祖翁姑終  
者不可爲人茹荼集蓼志益堅貞道光三年卒七十一歲  
貞女陳大姑監生戒德女生於康熙五十年許聘董時肅  
之子諳病故陳年十九以死殉不遂旋適董奉姑姑病痿  
凡卧起一力扶持飲食湯藥親調奉進夜則伴卧榻前衣  
不解帶姑卒營辦喪葬備極艱辛初撫立一子長娶鄒女  
麻城縣志

卷三十一

前志貞女

八

子故陳憐鄒年弱欲令自便鄒感姑高節亦矢志靡他乾  
隆三十九年 旌

鄒貞女舉人汝治女幼許字蘄水進士徐廣淵子如樸未  
婚如樸死鄒年二十聞訃號泣力請於父母往弔之遂茹  
素奉姑立從子爲嗣復故鄒與媳陳氏依姪守貞以終乾  
隆元年 旌

李貞女生員申黃女許聘監生張坦未嫁坦卒女聞訃痛  
哭不已求往張親殮畢乘間自縊以救甦乃依姑以處足  
不踰闔守貞四十餘年乾隆三年建坊

府志



貞女成姑生員成蒲女幼許聘熊楚興未結褵而楚興歿成矢死靡他孝事翁姑力營葬祭苦無嗣可立日以爲憂年六十一卒乾隆四十七年建坊於北門外永豐橋東園並祀節烈祠

汪貞女許聘儒童劉應瑤及笄而劉歿女矢志望門守節歷十有八年因姑老無依過門奉養年七十五歲卒道光四年建坊於羅家舖

劉貞女幼許聘彭象未婚象遠貿流落未歸劉守貞母家不肯再聘依姪劉景中年八十歲終

麻城縣志

卷三十一

前志貞女

九

儒童汪庭基聘室陳姑昌言女未笄夫亡聞訃奔弔見姑哭子喪明遂相依奉養歷二十四年姑歿葬畢避居蓮花洞十數載改居室爲祠堂捐田以奉祭祀知縣丁菊潭錫以貞孝苦節四字至今龕側有邑庠顧庭楹撰碑康熙十年卒

李貞女李廷煌之女許聘徐文偉未嫁而文偉歿李年二十三歲乃奔喪爲徐撫卹教之成立年六十歲守貞四十四年卒

貞女徐姑生於康熙壬戌年幼許聘吳有章有章遠貿未

婚待三十餘年遂往夫家堅貞自守至乾隆十八年終七十二歲

丁貞女生員謹度孫女幼許聘胡維堦年十七聞夫喪匍匐歸夫家年餘翁姑俱逝丁飲藥茹荼撫三齡夫弟天定成家計守貞四十三年卒

江貞女善化教諭漢書孫女江華之女也幼許字徐姓年十八徐卒女聞之請於父母喪服從唁誼靈席稽首至地氣絕踰時始甦誓以身殉人嚴守之其舅姑家以居住狹隘令反母家女不得已蓬首垢面屏居一室不出戶庭年三十六無疾而卒

麻城縣志

卷三

前志首女

十

貞女梅四姑儒士商彝第四女也年三歲許聘朱慶升之子德鐳閱十三年鐳卒梅聞之將欲投繯家人勸止又六年有議婚者梅請於母曰事急矣請歸兒於朱以絕外議否則兒不生父乃拒媒者既而其舅至女懇其父延入後堂拜見啼泣求歸朱氏舅未允乃絕粒三日不得死父慰之曰女志固美矣更待十年而後可梅恚曰十年父母老舅姑衰女何託焉乘其母赴同里慶會卽投繯殞命其舅迎柩與德鐳合窆以長子次男緒元爲之嗣

陶貞女庠士取然女名砥姑自幼與戴姓議婚戴子夭矢志守貞識字知禮事父母孝順兄弟和睦年八十一歲卒陶貞女陶二有之女原與胡姓議婚胡子貿易西蜀不歸女矢志守貞與兄弟同奉父母年七十六歲卒

陳貞女儒童廷棟次女幼許熊楚望方擬于歸楚望卒陳焚奩將自縊父母覺而勸止遂斷髮毀形終身不嫁年五十七而終

鮑姑廩生霖之女幼許聘姚大璋璋未弱冠卒鮑年十八矢志自守數十年甘心貧苦五十八歲卒

麻城縣志

卷三十一

前聖賢女

十一

趙貞女幼受鮑有隆聘年十九有隆卒女聞訃閉戶自縊兄破扉入救得甦趙徐從母往吊悲號昏絕漸醒母勸之歸趙女曰此卽女宅也尙安歸撫姪爲嗣衣食不給荼苦是廿年六十七歲卒

王貞女幼許聘蔡應昌將近婚期應昌遠出日久存歿不知翁姑勸其他適王泣云其人或有歸期生則候以終身死則從於地下我心如石誓不轉移勤儉紡績處子終身年六十四歲卒

曾貞女許聘尉承理年十八理遠出十餘年翁姑勸另適

曾以死誓待字三十年夫卒未歸毅然適尉奉姑以終衣食維艱清操益勵足不出戶者六十年卒

謝貞女均道女幼許字白姓未適夫故謝貞節自守年八十三卒知縣賀賜千古奇貞額立於祠

周貞女周富寧之女許聘饒興珍年十九未嫁聞興珍訃誓以死從父母苦勸方止遂終身不字家極貧依兄嫂度日女獨守一室履不出戶績紵自給有道及饒者卽爲出涕守貞八十年卒

金貞女許聘梅門未歸夫故貧窘難堪誓以死守及父母麻城縣志  
繼亡遺弟僅週歲有欲奪其志者百折不回撫孤弟成立年七十卒

管貞女宗秀次女幼許阮紹祖未婚紹祖故女年十六矢志自守父母憐其少已許別家女深沉有識計託族姊李母潛踪入阮拜於靈前號號痛哭遂執婦道奉姑至姑喪泣血三年幾死者再撫夫兄次子爲嗣年八十歲卒

曹貞女斐徵仲女也幼許金勳哉之四子方笄而金氏子故曹號痛欲絕絕粒數日乘家人防範稍疏持刀自刎咽斷過半父母救治踰晝夜復甦嗚咽流涕曰女子從一而

終者也卽不許女身過金門願後勿議婚從此與母相依  
母病篤女泣曰與其無母不如我死可以益母壽乃禱于  
神割股以進母病得瘥後股瘡不合終忍痛強顏恐傷母  
氏心也縣人作詩以贈旋卒

徐貞女監生免菴女許聘鄭志成之子維泮方議擇吉于  
歸泮以疾卒徐年十八聞訃卽凶服過門守志代事公姑  
未半載亦以憂慮染疾賫志以歿臨死惟囑同穴以信其  
誓云

鄒貞女內閣學士士璉孫女廕生汝霖女幼許黃安縣太

麻城縣志

卷三十一

前志貞女

十三

史張希良孫炳驤驤幼喪父母以讀書成勞卒鄒聞訃求  
死不得卽欲往祖姑劉促止之迨祖姑八旬鄒白父請親  
送張門躬自拜祝祝罷復請於祖姑誼翁姑與夫葬所成  
禮祭奠痛哭失聲越數月祖姑憐女善病令仍歸侍親闈  
不數年遂以憂鬱卒

羅貞女王文博聘妻未婚文博卒時年僅十六聞訃奔喪  
撫棺痛絕復甦遂留守志事上孝律身嚴立姪爲嗣乾隆  
戊戌卒守貞二十七年

王貞女王崇煌聘妻婚禮未成崇煌卒王年二十奔喪入

門哭殮後撫姪爲嗣乾隆己丑卒守貞二十八年  
唐貞姑監生從仁女幼許聘葉懋懋遊西蜀不歸從仁著  
人往尋不獲越二十餘年有另聘意女聞之泣懇膝前并  
求兄弟代懇矢志靡他因取名誠心守貞不字年七十四  
歲卒

貞女陳姑幼聘董適董有家難董郎浪遊西蜀後董子自  
蜀訃聞貞女一慟幾絕遂誓守不字願從父家老未幾父  
沒母年亦衰有弟六人皆少不更事貞女以熒熒一身上  
事高堂下撫諸弟區處經畫有男子所不逮者乾隆五十

麻城縣志

卷三

前志貞女

十四

二年卒八十四歲

蔡貞女蔡禮之女許聘陳中遭母喪陳欲迎娶女父未允  
陳卽惡言傷女父並辱及女女以母喪不忍適陳故屈星  
期遂決志不往陳因另娶女乃自誓終身不字未久父卒  
止有一弟貧無立錐女以紡績弟以耕種相倚爲命守貞  
四十八年

鄒貞女內閣學士璉次女許聘生員周馮未嫁馮卒過門  
守貞

割股

儒童謝嘉言妻毛氏夫故以死殉姑等力挽始忍死撫子承祀越明年姑病毛割股救姑延壽數載知縣卓贈額愚孝格天獎之

董澤久妻蔡氏其母阮氏病危蔡歸省割右股烹食翁良臣病篤蔡又割左股烹進姑胡氏病急蔡再割右股和藥俱獲痊

夏有珍妻陳氏厚坤女適夏逾年而珍病醫藥不效氏夜焚香割股以求救珍隨愈生子後夫歿矢志苦守事翁姑

麻城縣志

卷三十一

前志割股

五

曲盡儀節翁病甚復割股以甦翁戚族咸稱其孝云

庠生彭山陰之女國學童元旦之妻文庠童金印之母彭氏康熙甲戌生年十六時因母病割股救母知縣吳顧行贈額曰閨孝維風

儒童喻威及妻徐氏事姑孝順姑病割股救之年八十一歲卒

喻于義妻金氏事姑孝姑徐氏病劇金割股和藥以進獲痊

生員王文思妻羅氏事姑孝姑病篤割股和藥遂痊

王文爍妻董氏克盡婦道姑丁氏病篤董齋戒割股默禱  
旋愈

劉士模妻周氏幼至劉家爲閨房姑早喪事翁如父婚配  
後益盡婦道年二十六喪夫遺二子撫育後歉歲而抱重  
病子德魯痛母焚香割股以進得延一載卒

吳國貴妻胡氏妾李氏名懿德胡氏病篤李氏割股救之  
三日病愈延七年李氏割股後食長齊以終鄉鄰戚族送  
懿孝流輝額以嘉之

儒童熊士材妻李氏百魁女年二十三完婚夫疾李割股

麻城縣志

卷三

前志割股

去

食之旋卒李終日悲泣未踰年亦卒

駱代興之女大女五歲喪父七歲喪母伯叔撫養成入伯  
父世興有疾百藥不效女念撫育重恩割股煎湯以祈病  
愈時女年十二後伯父年八十餘歲

汪士芝妻童氏生員金魁女夫病篤割股以進尋卒誓不  
欲生數月內快快而終

周代翰妻方氏割股救姑

周承章妻劉氏割股救姑

周之敦妻黃氏 周源妻趙氏割股救翁



鮑如秀妻盧氏割股愈翁邑令趙聞之贈兩孝同堂額其  
姑曾割股故云

麻城縣志

卷三十一

前志割股

十七

